



Bosna i Hercegovina  
Federacija Bosne i Hercegovine  
KANTON SARAJEVO  
Općina Hadžići  
**JAVNA USTANOVA**  
**OSNOVNA ŠKOLA "HADŽIĆI"**

Босна и Херцеговина  
Федерација Босне и Херцеговине  
КАНТОН САРАЈЕВО  
Општина Хаџићи  
**ЈАВНА УСТАНОВА**  
**ОСНОВНА ШКОЛА "ХАЏИЋИ"**

Bosnia and Herzegovina  
Federation of Bosnia and Herzegovina  
CANTON SARAJEVO  
Municipality of Hadžići  
**PUBLIC INSTITUTION**  
**PRIMARY SCHOOL "HADŽIĆI"**

тф: +387 (0) 33 408-810, а: Zlatnih ljljana 57, 71240 Hadžići, BiH s: www.oshadzici.edu.ba m: oshadzici@oshadzici.edu.ba id: 4202256020005

Broj: 01-14-19-445/25

Datum: 21.04.2025. godine

Na osnovu člana 18. stav (1), člana 87. stav (1) i (2) i člana 88. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) i Odluke Školskog odbora JU OŠ „Hadžići“ o usvajanju Plana javnih nabavki za 2025. godinu broj: 06-49-1-422/25 od 14.04.2025. godine, direktorica JU Osnovna škola „Hadžići“ Hadžići, *donosi*

## **O D L U K U**

### **O POKRETANJU JAVNE NABAVKE PUTEM KONKURENTSKOG ZAHTJEVA**

#### **Član 1.**

Pokreće se postupak Javne nabavke: „Nabavka usluge organizacije Škole u prirodi za učenike IV (četvrtog) razreda JU Osnovna škola „Hadžići“ Hadžići u šk. 2024/2025. godini“

#### **Član 2.**

Postupak javne nabavke iz člana 1. ove Odluke obaviti će se putem **Konkurentskog zahtjeva**, a u skladu sa Zakonom o javnim nabavkama BiH („Službeni glasnik BiH“ broj: 39/14, 59/22 i 50/24).

#### **Član 3.**

Procijenjena vrijednost nabavke je do **12.200,00 KM** (slovima: dvanaest hiljad i dvjestotina konvertibilnih maraka) bez PDV-a.

#### **Član 4.**

Plaćanje će izvršiti Ministarstvo za odgoj i obrazovanje KS na način da se izabranom ponuđaču uplaćuje avans u visini 50% vrijednosti nabavke odmah nakon dostavljenog predračuna prije početka realizacije Škole u prirodi, a ostatak iznosa će se uplatiti nakon realizovanog projekta na osnovu ispostavljenog fiskalnog računa.

#### **Član 5.**

Procjena najpovoljnije ponude vršiti će se po principu „Najniža cijena“.

## **O b r a z l o ž e n j e**

Ministarstvo za odgoj i obrazovanje Kantona Sarajevo je aktom broj: 11-06/01-11-10279-1/25 od 14.04.2025. godine (Poglavlje II – Sredstva za realizaciju Škole u prirodi) informisalo osnovne škole s područja Kantona Sarajevo da su sredstva za realizaciju projekta „Škola u prirodi“ za učenike četvrtih razreda u školskoj

2024/2025. godini odobrena u Budžetu Ministarstva, na ekonomskom kodu 614300 LAN0Q6 – Tekući transferi neprofitnim organizacijama – predškolsko i osnovno obrazovanje.

Ova sredstva namijenjena su školama koje u prvom polugodištu školske 2024/2025. godine nisu realizovale ovaj oblik nastave, a koje se nalaze na području općina: Novo Sarajevo, Centar, Stari Grad, Vogošća, Ilijaš, **Hadžići** i Trnovo.

U navedenom aktu Ministarstva istaknuto je da će škole samostalno provoditi postupak javne nabavke, te da su, nakon njegovog okončanja, dužne Ministarstvu dostaviti kompletnu dokumentaciju potrebnu za plaćanje. Maksimalni iznos odobrenih sredstava iznosi 230,00 KM po učeniku.

U cilju realizacije sredstava, škole su obavezne postupati u skladu sa članom 17. i ostalim relevantnim odredbama Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24). Nakon provedene procedure, Ministarstvu je potrebno dostaviti svu dokumentaciju o postupku javne nabavke, kako bi se izvršilo plaćanje.

Dana 14.04.2025. godine, Školski odbor JU Osnovna škola „Hadžići“ donio je Odluku o usvajanju Plana javnih nabavki za 2025. godinu (broj: 06-49-1-422/25 od 14.04.2025. godine). Pod rednim brojem 20. ovog Plana, predviđena je nabavka usluge organizacije „Škole u prirodi“ za učenike četvrtog razreda u školskoj 2024/2025. godini, putem konkurentskog zahtjeva, u skladu sa članom 87. stav (1) i (2), te članom 88. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Shodno navedenom, direktorica škole donijela je odluku kao u dispozitivu.

**DIREKTORICA**

*mr. Senada Kapetanović*

Dostavljeno:

1. Komisija za javne nabavke
2. Referent za plan i analizu
3. a/a